

Teater cun scenas ord il mintgadi d'immigrants

Requients d'asil ed immigrants che vegnan en in'otra tiara vegnan buca mo confruntai cun ina nova cultura, mobein era cun conflicts. In teater davart quels vegn presentaus sonda, ils 23 da november 2024 a Mustér. Suentar quel sa il publicum discutir davart soluziuns.

HANS HUONDER/FMR

Il mument va il Post per integraziun dil cantun Grischun sin turnea cun in teater cun requients e requients d'asil. Quels han dimora en plirs centers el Grischun. Igl ei in teater interactiv, vul dir la presentaziun da duas scenas ord il mintgadi d'immigrants ed immigrants cun ina discussiun suandonta cul publicum. «Lez sa lu contribuir cun siu meini a discussiuns ed eventualmein schizun a soluziuns», di *Donat Albin* dil Post per integraziun dil cantun Grischun. Sonda, ils 23 da november 2023 ei la gruppa da veser a Mustér.

Duas scenas

El teater muossan las immigrants ed ils immigrants duas scenas ord lur mintgadi. L'emprema tracta il giavisch e basegns dad els da saver emprender tudestg. Quei che para sempel sill'emprema egliada ei denton per dabia buca aschia. «Persunas che han buca il status da fugitivs han negin dretg da frequentar in cuors da tudestg», di *Donat Albin*. Quei caschuni meinsvart ina malcontentientscha e malsegirtad. La secunda scena sefatschenta dalla tscher-



La gruppa da requientas e requients d'asil durant in'emprova da siu teater.

FOTO POST PER INTEGRAZIUN DIL CANTUN GRISCHUN

ca d'ina habitaziun entras immigrants ed immigrants. «En quella scena mussein nus il cass d'ina immigranta che pren investa d'ina habitaziun ch'ella savess affittar. Da quei ha ina

dunna vischina denton negin plascher. Quei ei in tema che va ella direcziun dalla discriminaziun», constatescha *Donat Albin*.

Discussiun aviarta

Suentar il teater ha il publicum la caschun da discussiunar davart las duas scenas. Quel sa far propostas e presentar ideas co tals conflicts san vegnir impedi ni co els san vegnir sligiai. Mo lu era co impedir ch'ina tala situaziun escaleschi. Il forum teater ei vegnius arranschaus entochen ussa pliras ga a Cuera e Tavau. Suentar la presentaziun a Mustér va el vnavon sin turnea. «Nus presentein quel surtut en loghens ni regiuns cun centers per requients d'asil. Nus lein mussar co ins sa s'avischinar ed impedir conflicts. La gruppa da teater cun immigrants ed immigrants emprova da far ina punt denter indigens e jasters», di *Donat Albin*. En quei senn seigi quell'acziun in project da pilot che dueigi era gidar fugitivs e fugitivs novs da s'orientar.

Il forum teater ha liug sonda, ils 23 da november 2024 dallas 14.00 entochen las 16.00 el Center sursilvan d'agricultura a Mustér. Igl arranschament ei publics, alla fin vegn purschiu in apéro.

BALLAPEI

Trun/Rabius

Treis equipas sur Cup grischun da pei dil Grischun (3. ligia) retsche ha eliminau surpa dalla 2. ligia tscheiva Schl (3. ligia). Las 22 e 23 da matg 2025.

reclama